



Broj: 01/1-45- /26
Bihać, 25.2.2026. godine

ZAPISNIK
sa 35. redovne sjednice Skupštine Unsko-sanskog kantona
održane dana 25.2.2026. godine

35. redovna sjednica Skupštine Unsko-sanskog kantona održana je dana 25.2.2026. godine (srijeda) s početkom rada u 10,00 sati, u sali za sjednice Skupštine Unsko-sanskog kantona, ulica Alije Đerzeleza broj 2, u Bihaću.

Na sjednici je prisutno 29 zastupnika.

Odsutan je zastupnik Hajrudin Halilović.

Nisvet Jusić, predsjedavajući Skupštine Unsko-sanskog kantona, pozdravio je sve prisutne u sali, te ih upoznao da je Kolegij Skupštine utvrdio dnevni red 35. redovne sjednice Skupštine Unsko-sanskog kantona na osnovu materijala koji su se nalazili u Skupštini. On je također konstatovao, da je na sjednici prisutno 29 zastupnika i da je obezbjeđen kvorum za rad.

Zatim je predsjedavajući Skupštine pročitao

D n e v n i r e d

1. Zapisnik sa 34. redovne sjednice,
2. a) Program rada Skupštine Unsko-sanskog kantona za 2026.godinu;
b) Informacija o realizaciji Programa rada Skupštine Unsko-sanskog kantona za 2025.godinu.
3. Prijedlog Zakona o poticaju razvoja male privrede Unsko-sanskog kantona,
4. Prijedlog Zakona o predškolskom odgoju i obrazovanju,
5. Prijedlog Zakona o izmjenama Zakona o osnovnom odgoju i obrazovanju,
6. Izbor i imenovanja:
 - a) Prijedlog Odluke o razrješenju člana Skupštine ŠPD „Unsko-sanske šume“ d.o.o. Bosanska Krupa;
 - b) Prijedlog Odluke o razrješenju privremenog Upravnog odbora Agencije za privatizaciju Unsko-sanskog kantona;
 - c) Prijedlog Odluke o imenovanju privremenog Upravnog odbora Agencije za privatizaciju Unsko-sanskog kantona,
7. Prijedlog Odluke o izmjenama Odluke o osnivanju JU Pedagoški zavod Unsko-sanskog kantona,

8. a) Izvještaj o radu Univerziteta u Bihaću u akademskoj 2023/2024 godini sa finansijskim izvještajem za budžetsku 2024.godinu;
- b) Program rada Univerziteta u Bihaću za 2025.godinu.

Također predsjedavajući Skupštine upoznao je prisutne da je Vlada Unsko-sanskog kantona predložila da se prijedlog Zakona o izmjenama Zakona o osnovnom odgoju i obrazovanju razmatra po skraćenom postupku, a zatim je zamolio predlagača da obrazloži razloge za razmatranje predmetnog Zakona po skraćenom postupku.

Denis Osmankić, ministar Ministarstva obrazovanja, nauke, kulture i sporta upoznao je prisutne da se traži skraćena procedura iz razloga što se prvenstveno radi o tehničkim ispravkama, te da nema značajnih promjena kada su u pitanju članovi predmetnog Zakona.

Predsjedavajući Skupštine zahvalio se g-dinu Osmankiću na obrazloženju, a zatim je otvorio raspravu o skraćenom postupku.

Po Poslovniku za riječ se javio Asmir Ćufurović koji je konstatovao, da je Kolegij Skupštine po prvi put donio odluku da zastupnici nemaju pravo na poslanička pitanja čime je prekršen član 192. stav (1) Poslovnika kojim je propisano, između ostalog, da na svakoj redovnoj sjednici poslanici imaju pravo postavljati poslanička pitanja, komentirati odgovore na postavljena pitanja i podnositi inicijative.

Kada je u pitanju prijedlog Zakona o izmjenama Zakona o osnovnom odgoju i obrazovanju, g-din Ćufurović je ukazao na član 133. Poslovnika koji tretira skraćenu proceduru, a za koji smatra da će biti prekršen, obzirom da se u konkretnom slučaju ne radi o tehničkim ispravkama, već o krucijalnim izmjenama Zakona.

Zatim je g-din Ćufurović konstatovao, da je prijedlog Zakona o poticaju razvoja male privrede Unsko-sanskog kantona više od 6 mjeseci u proceduri, dok je članom 115. stav (2) Poslovnika propisano da nakon proteka roka od 3 mjeseca od usvajanja nacrt zakona isti se ne može podnijeti u formi prijedloga zakona na razmatranje, već se smatra da je predlagač od istog odustao. On je također naglasio da je na sjednici Kolegija Skupštine postojalo suprotstavljeno mišljenje kad je u pitanju zaključak Skupštine za kojeg neki smatraju da ima trajno značenje. Naime, pomenuti zaključak se poziva na član 3. Poslovnika kojim je propisano, između ostalog, ako neko pitanje organizacije i rada Skupštine ostane neuređeno ovim Poslovníkom, uredit će se zaključkom Skupštine, te shodno tome imenovani smatra da se mogla naći forma da se predmetni materijal razmatra u skladu sa Poslovníkom.

Nakon zaključene rasprave, predsjedavajući Skupštine zamolio je zastupnike da se izjasne o prijedlogu Vlade Unsko-sanskog kantona da se prijedlog Zakona o izmjenama Zakona o osnovnom odgoju i obrazovanju razmatra po skraćenom postupku.

Sa 17 glasova »za«, 8 glasova »protiv« i 3 glasa »suzdržan«, prijedlog zaključka da se prijedlog Zakona o izmjenama Zakona o osnovnom odgoju i obrazovanju razmatra po skraćenom postupku, dobio je potrebnu većinu.

RASPRAVA I ODLUČIVANJE PO UTVRĐENOM DNEVNOM REDU

Ad.1.

Zapisnik sa 34. redovne sjednice

Bez rasprave, sa 25 glasova »za«, bez glasova »protiv« i bez glasova »suzdržan«, Zapisnik sa 34. redovne sjednice dobio je potrebnu većinu.

Ad.2.

a) Program rada Skupštine Unsko-sanskog kantona za 2026.godinu

b) Informacija o realizaciji Programa rada Skupštine Unsko-sanskog kantona za 2025.godinu

Izvjestilac: Dragana Bajrić, sekretar Skupštine Unsko-sanskog kantona.

Nakon uvodnog izlaganja, predsjedavajući Skupštine je objedinio raspravu za tačke a) i b).

Učešće u diskusiji uzeli su: Nisvet Jusić, Ines Delić, Fatka Kulenović, Zinajda Hadžić, Irma Fatkić, Asmir Ćufurović i Sanil Hasić.

Nisvet Jusić, predsjedavajući Skupštine odgovorio je na pitanje zastupnice Zinajde Hadžić.

Po Poslovniku za riječ se javila Ines Delić.

U nastavku diskusije učešće su uzeli: Asmir Ćufurović i Emir Dautović.

Nakon zaključene rasprave, predsjedavajući Skupštine je odgovorio na pitanje zastupnika Dautović Emira.

Zatim je predsjedavajući Skupštine dao na izjašnjavaње:

a) Program rada Skupštine Unsko-sanskog kantona za 2026.godinu.

Sa 24 glasa »za«, bez glasova »protiv« i 1 glasom »suzdržan«, Program rada Skupštine Unsko-sanskog kantona za 2026.godinu, dobio je potrebnu većinu.

b) Informacija o realizaciji Programa rada Skupštine Unsko-sanskog kantona za 2025.godinu.

Sa 24 glasa »za«, bez glasova »protiv« i 1 glasom »suzdržan«, Informacija o realizaciji Programa rada Skupštine Unsko-sanskog kantona za 2025.godinu, dobila je potrebnu većinu.

Ad.3.

Prijedlog Zakona o poticaju razvoja male privrede Unsko-sanskog kantona

Izvjestilac: Samra Mehić, ministrica Ministarstva privrede.

Ispred radnih tijela:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija,
- Nijaz Kadirić, predsjedavajući Komisije za budžet, ekonomsku i finansijsku politiku.

Učešće u diskusiji uzeli su: Elvira Abdić Jelenović, Irma Fatkić, Almin Hopovac, Nisvet Jusić i Asmir Ćufurović.

Nakon zaključene rasprave, odgovore na postavljena pitanja zastupnika dala je Samra Mehić, ministrica Ministarstva privrede.

Na zahtjev Kluba SDA, pauza u trajanju od 5 minuta.

Nakon završene pauze, sa 27 glasova »za«, bez glasova »protiv« i bez glasova »suzdržan«, prijedlog Zakona o poticaju razvoja male privrede Unsko-sanskog kantona, dobio je potrebnu većinu.

Ad.4.

Prijedlog Zakona o predškolskom odgoju i obrazovanju

Izvjestilac: Azra Šulić, pomoćnik ministra za predškolski i osnovni odgoj i obrazovanje, inkluziju, EU integracije i projekte.

Ispred radnih tijela:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija,
- Nijaz Kadirić, predsjedavajući Komisije za budžet, ekonomsku i finansijsku politiku,
- Azhar Sejarić, predsjedavajući Komisije za obrazovanje, nauku, kulturu, sport i mlade,
- Emir Dautović, predsjedavajući Komisije za pravdu, ljudska prava, građanske slobode i jednakopravnost spolova.

Učešće u diskusiji uzeli su: Irma Fatkić, Emir Dautović, Elvira Abdić Jelenović, Fatka Kulenović, Aida Pašić, Ines Delić, Almin Hopovac, Azhar Sejarić i Zinajda Hadžić.

Nakon zaključene rasprave, Azra Šulić je odgovorila na postavljena pitanja zastupnika.

Sa 26 glasova »za«, bez glasova »protiv« i 1 glasom »suzdržan«, prijedlog Zakona o predškolskom odgoju i obrazovanju, dobio je potrebnu većinu.

Pauza u trajanju od sat vremena.

(Sjednici pristupio zastupnik Hajrudin Halilović).

Nakon završene pauze, Skupština je nastavila sa radom.

Ad.5.

Prijedlog Zakona o izmjenama Zakona o osnovnom odgoju i obrazovanju

Izjavitelj: Denis Osmankić, ministar Ministarstva obrazovanja, nauke, kulture i sporta.

Ispred radnih tijela:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija,
- Azhar Sejarić, predsjedavajući Komisije za obrazovanje, nauku, kulturu, sport i mlade.

Učešće u diskusiji uzeli su: Asmir Ćufurović, Almin Hopovac, Amir Murić, Hajrudin Halilović, Emir Dautović, Zinajda Hadžić, Abid Mulalić, Aida Pašić, Nisvet Jusić, Irma Fatkić i Sanil Hasić.

Nakon zaključene rasprave, predsjedavajući Skupštine upoznao je prisutne da je Klub SDA podnio amandman na prijedlog Zakona o izmjenama Zakona o osnovnom odgoju i obrazovanju, te da je u međuvremenu održana amandmanska sjednica Vlade na kojoj nije prihvaćen predmetni amandman.

Obzirom da Klub SDA ostaje pri uloženom amandmanu, predsjedavajući Skupštine daje na izjašnjavanje amandman koji glasi: »U Zakonu o izmjenama Zakona o osnovnom odgoju i obrazovanju briše se član 6., koji glasi: U članu 143. stav (5) mjenja se i glasi: Školski odbor je dužan u roku od osam dana od dana dostavljanja inicijative iz stava (3) i (4) ovog člana razmotriti inicijativu za razrješenje direktora, utvrditi navode inicijative, odnosno da li su ispunjeni uvjeti predviđeni za razrješenje propisani ovim Zakonom. Nakon utvrđivanja ispunjenosti uvjeta, Školski odbor donosi konačnu odluku uz saglasnost ministra i o njoj obavještava pokretača inicijative. Dosadašnji stavovi (6), (7) i (8) brišu se.«

Sa 11 glasova »za«, 5 glasova »protiv« i 8 glasova »suzdržan«, predmetni amandman nije dobio potrebnu većinu.

Sa 16 glasova »za«, 9 glasova »protiv« i 2 glasa »suzdržan«, prijedlog Zakona o izmjenama Zakona o osnovnom odgoju i obrazovanju, dobio je potrebnu većinu.

Ad.6.

Izbor i imenovanja:

- a) **Prijedlog Odluke o razrješenju člana Skupštine ŠPD „Unsko-sanske šume“ d.o.o. Bosanska Krupa**
- b) **Prijedlog Odluke o razrješenju privremenog Upravnog odbora Agencije za privatizaciju Unsko-sanskog kantona**
- c) **Prijedlog Odluke o imenovanju privremenog Upravnog odbora Agencije za privatizaciju Unsko-sanskog kantona**

- a) Prijedlog Odluke o razrješenju člana Skupštine ŠPD „Unsko-sanske šume“ d.o.o. Bosanska Krupa

Izvjestilac: Almin Hopovac, predsjedavajući Komisije za izbor, imenovanja i finansijsko-administrativna pitanja.

- b) Prijedlog Odluke o razrješenju privremenog Upravnog odbora Agencije za privatizaciju Unsko-sanskog kantona
- c) Prijedlog Odluke o imenovanju privremenog Upravnog odbora Agencije za privatizaciju Unsko-sanskog kantona

Izvjestilac: Mustafa Ružnić, premijer Unsko-sanskog kantona.

Nakon uvodnog izlaganja izvjestioca, predsjedavajući Skupštine je otvorio raspravu.

Učešće u diskusiji uzeli su: Amir Murić, Elvira Abdić Jelenović i Ines Delić.

Nakon zaključene rasprave, Mustafa Ružnić, premijer Unsko-sanskog kantona odgovorio je na postavljena pitanja zastupnika.

Zatim je predsjedavajući Skupštine dao na izjašnjavaње:

- a) Prijedlog Odluke o razrješenju člana Skupštine ŠPD „Unsko-sanske šume“ d.o.o. Bosanska Krupa.

Sa 19 glasova »za«, bez glasova »protiv« i 4 glasa »suzdržan«, Skupština Unsko-sanskog kantona donijela je sljedeću:

Odluku o razrješenju člana Skupštine ŠPD „Unsko-sanske šume“ d.o.o. Bosanska Krupa

Član 1.

Amra Ismailovski razrješava se dužnosti člana Skupštine ŠPD „Unsko-sanske šume“ d.o.o. Bosanska Krupa na koju je imenovana Odlukom o imenovanju članova Skupštine ŠPD „Unsko-sanske šume“ d.o.o. Bosanska Krupa („Službeni glasnik Unsko-sanskog kantona“, broj 4/26).

- b) Prijedlog Odluke o razrješenju privremenog Upravnog odbora Agencije za privatizaciju Unsko-sanskog kantona.

Sa 19 glasova »za«, bez glasova »protiv« i 4 glasa »suzdržan«, Skupština Unsko-sanskog kantona donijela je sljedeću:

ODLUKU
o razrješenju članova privremenog Upravnog odbora
Agencije za privatizaciju Unsko-sanskog kantona

Član 1.

Razrješavaju se privremeni članovi Upravnog odbora Agencije za privatizaciju Unsko-sanskog kantona i to:

1. Šaćir Fajić, predsjednik
2. Ernad Poprženović, član
3. Ademir Mešić, član

- c) Prijedlog Odluke o imenovanju privremenog Upravnog odbora Agencije za privatizaciju Unsko-sanskog kantona

Sa 19 glasova »za«, bez glasova »protiv« i 4 glasa »suzdržan«, Skupština Unsko-sanskog kantona donijela je sljedeću:

ODLUKU
o imenovanju članova privremenog Upravnog odbora
Agencije za privatizaciju Unsko-sanskog kantona

Član 1.

Imenuje se privremeni Upravni odbor Agencije za privatizaciju Unsko-sanskog kantona na period od najduže tri mjeseca.

Član 2.

U privremeni Upravni odbor Agencije za privatizaciju Unsko-sanskog kantona imenuju se:

1. Kadir Čirić, predsjednik
2. Vildan Felić, član
3. Ernad Poprženović, član

Ad.7.

Prijedlog Odluke o izmjenama Odluke o osnivanju JU Pedagoški zavod Unsko-sanskog kantona

Izvjestilac: Muamer Hadžić, v.d. direktora JU Pedagoški zavod Unsko-sanskog kantona.

Bez rasprave, sa 19 glasova »za«, bez glasova »protiv« i 2 glasa »suzdržan«, prijedlog Odluke o izmjenama Odluke o osnivanju JU Pedagoški zavod Unsko-sanskog kantona, dobio je potrebnu većinu.

Ad.8.

- a) **Izveštaj o radu Univerziteta u Bihaću u akademskoj 2023/2024 godini sa finansijskim izvještajem za budžetsku 2024.godinu**
- b) **Program rada Univerziteta u Bihaću za 2025.godinu**

Izjesticci:

- Jasmina Bešlić, podpredsjednica Upravnog odbora Univerziteta u Bihaću,
- Atif Hodžić, rektor Univerziteta u Bihaću.

Učešće u diskusiji uzeli su: Amir Murić, Emir Dautović i Fatka Kulenović.

Na postavljena pitanje zastupnika odgovorio je Atif Hodžić, rektor Univerziteta u Bihaću.

Zatim je predsjedavajući Skupštine dao na izjašnjanje:

- a) Izveštaj o radu Univerziteta u Bihaću u akademskoj 2023/2024 godini sa finansijskim izvještajem za budžetsku 2024.godinu.

Sa 15 glasova »za«, bez glasova »protiv« i 2 glasa »suzdržan«, Izveštaj o radu Univerziteta u Bihaću u akademskoj 2023/2024 godini sa finansijskim izvještajem za budžetsku 2024. godinu, nije dobio potrebnu većinu.

- b) Program rada Univerziteta u Bihaću za 2025.godinu.

Pojedinačnim izjašnjanjem, sa 17 glasova »za«, bez glasova »protiv« i 1 glasom »suzdržan«, Program rada Univerziteta u Bihaću za 2025.godinu, dobio je potrebnu većinu.

S ovim je završena 35. redovna sjednica Skupštine Unsko-sanskog kantona.

Sekretar Skupštine
Unsko-sanskog kantona
Dragana Bajrić, dipl.pravnik

Predsjedavajući Skupštine
Unsko-sanskog kantona
Nisvet Jusić